

# Suhaimi: Saya— tetap dengan pendirian ...

**BANGI, Isnin** — Ketua Pergerakan Pemuda UMNO, Datuk Haji Suhaimi Kamaruddin, hari ini menegaskan beliau tidak akan berganjak dari pendiriannya mengenai pelaksanaan Dasar Pelajaran Kebangsaan seperti yang pernah diucapkannya di masa-masa lalu.

"Saya tidak akan menambah atau mengurangkan pengertian ucapan-ucapan saya mengenai soal pelaksanaan dasar itu di masa lalu walaupun ada pihak kurang senang dengannya," katanya.

Beliau mengulas kenyataan Timbalan Setiausaha Agung DAP, Encik Lee Lam Thye yang menyebut akan menulis kepada Peguam Negara memintanya

membuka semula kes menghasut terhadap Ketua Pemuda UMNO itu.

Encik Lee, ketika merasmikan konvensyen DAP Negeri Sembilan Ahad lalu berkata, beliau telah menulis pada Peguam Negara, Tan Sri Abu Talib Othman 22 Julai lalu mengenai perkara tersebut tetapi masih belum mendapat sebarang jawapan.

Beliau menuduh Datuk Haji Suhaimi bertindak menghasut dalam satu ucapannya menggesa Peruntukan 21 (2) Akta Pelajaran 1961, yang menetapkan penutupan sekolah rendah Tamil dan China, dilaksanakan.

"Ini sebuah negara demokratik. Sesiapa sahaja bebas menyuarakan pendapatnya.